


西漢會要

卅四之七



漢書門類			
二〇	一四	二五	
冊	架	函	號

內閣文庫			
三九	二四		漢
函			書
一五	二〇	二五	
冊	冊	號	類

內閣文庫			
番號	漢	2425	
冊數	20 ( 11 )		
函號	294	24	

十一




A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak





西漢會要卷第三十四


宋 徐 夫

麟 撰

職官四

封建

封功臣



漢興自秦二世元年之秋楚陳之歲初以沛公總帥雄  
俊三年然後西滅秦立漢王之號五年東克項羽即皇  
帝位八載而天下迺平始論功而定封訖十二年侯者  
百四十有三人皆大城名都民人散亡戶口可得而數



裁什二三是以大侯不過萬家小者五六百戶封爵之  
誓曰使黃河如帶泰山若厲國以永存爰及苗裔於是  
申以丹書之信重以白馬之盟又作十八侯之位次

孟康

曰惟作元功蕭曹等十八人位次耳高后乃詔作位次  
下竟師古曰蕭何曹參張敖周勃樊噲酈商奚涓夏侯  
嬰灌嬰傅寬蘄歙王陵陳武王吸薛  
歐周昌丁復陳達從第一至十八也高后二年復詔丞

相陳平盡差列侯之功錄第下竟藏諸宗廟副在有司  
始未嘗不欲固根本而枝葉稍落也故逮文景四五世  
間流民既歸戶口亦息列侯大者至三四萬戶小國自  
倍富厚如之子孫驕逸忘其先祖之艱難多陷法禁隕

命亡國或云子孫訖于孝武後元之年靡有子遺耗矣  
罔亦少密焉故孝宣皇帝愍而錄之乃開廟藏覽舊籍  
詔合有司求其子孫咸出庸保之中並受復除或功以  
金帛用章中興之德降及孝成復加卹問稍益衰微不  
絕如綫善乎杜業之納說也曰昔唐以萬國致時雍之  
政虞夏以之多羣后饗共已之治湯法三聖殷氏太平  
間封八百重譯來賀是以內恕之君樂繼絕世隆名之  
主安立亡國至于不及下車德念深矣成王察牧野之  
克顧羣后之勤知其恩結於民心功光於王府也故追



述先人之錄遺老之策高其位大其寓愛敬節盡命賜  
備厚大孝之隆于是爲至至其沒也世主歎其功無民  
而不思所息之木且猶不伐况其廟乎是以燕齊之祀  
與周與傅子繼弟及歷載不墮豈無刑辟繇租之竭力  
故支庶賴焉迹漢功臣亦皆割符世爵受山河之誓存  
以著其號亡以顯其魂賞亦不細矣百餘年間而襲封  
者盡或絕失姓或乏無主朽骨孤于墓苗裔流于道生  
爲愍隸死爲轉屍以往况今甚可悲傷聖朝憐憫詔求  
其後四方忻忻靡不歸心出入數年而不省察恐議者

不思大義設言虛亡則厚德掩息遶東布章非所以視  
化勸後也三人爲衆雖難盡繼宜從尤功于是成帝復  
詔蕭何哀平之世增修曹參周勃屬得其宜矣以綴續  
前記究其本末并序位次盡于孝文以昭元功之侯籍

功臣表

高帝與功臣剖符作誓丹書鐵券金匱石室藏之宗廟  
列侯已畢受封奏位次皆曰平陽侯曹參功最多宜第  
一然上心欲何爲第一鄂千秋曰蕭何當第一參次之

上廼合何第一

蕭何傳



十二年詔曰吾立爲天子帝有天下十二年于今矣與天下之豪士共定天下同安輯之其有功者上致之王次爲列侯下乃食邑而重臣之親或爲列侯皆合自致吏得賦歛女子公主爲列侯食邑者皆佩之印賜大第室吏二千石徙之長安受小第室入蜀漢定三秦者皆世世復吾于天下功臣可謂亡負矣云云

本紀

高后二年詔曰高皇帝正筋天下諸有功者皆受分地爲列侯朕思念至于久遠而功名不著亡以尊大諡施後世今欲差次列侯功臣定朝位藏于高廟世世勿絕

嗣子各襲其功位其與列侯議定奏之丞相臣平等言謹與絳侯臣勃曲周侯臣商穎陰侯臣嬰安國侯臣陵等議列侯幸得賜餐錢奉邑陛下加惠臣功次定朝位臣請藏高廟奏可

本紀

封外戚

高后欲立諸呂爲王問王陵陵曰高皇帝刑白馬而盟曰非劉氏而王天下者共擊之今王呂氏非約也太后不說問左丞相平及絳侯周勃等皆曰高帝定天下王子弟今太后稱制欲王昆弟諸呂無所不可太后喜罷



朝陵責平勃曰始與高帝啜血而盟諸君不在邪今高  
帝崩太后女主欲王呂氏諸君縱欲阿意背約何面目  
見高帝于地下乎平日於面折廷爭臣不如君全社稷  
安劉氏後君亦不如臣陵無以應之

王陵傳

周亞夫為丞相竇太后曰皇后兄王信可侯也上曰始

南度及章武先帝不侯

師古曰南皮竇彭祖太后弟長君之子章武太后母弟廣國

及臣即位乃侯之信未得封也竇太后曰人生各以時  
行耳竇長君在時竟不得侯死後迺其子彭祖願得侯  
吾甚恨之帝趣侯信也上曰請得與丞相計之亞夫曰

高帝約非劉氏不得王非有功不得侯不如約天下共

擊之今信雖皇后兄無功侯之非約也上默然而沮

周亞夫傳

漢興外戚與定天下侯者二人故誓曰非劉氏不王若

有亡功非上所置而侯者天下共誅之是以高后欲王

諸呂王陵廷爭孝景將侯王氏修侯犯色卒致廢黜是

後薄昭竇嬰上官衛霍之侯以功受爵其餘后父據春

秋褒紀之義卒舅綠大雅申伯之意寢廣博矣

十五侯事

成帝河平二年六月悉封諸舅王譚為平阿侯商為成



都侯立爲紅陽侯根爲曲陽侯逢時爲高平侯五人同日封故世謂之五侯太后母李氏更嫁爲河內荀賓妻生子參太后欲以田蚡爲比而封之上曰封田氏非正也以參爲侍中水衡都尉

元后傳

哀帝欲封祖母傅太后從弟商鄭崇諫曰孝成皇帝封親舅五侯天爲赤黃晝昏日中有黑氣今祖母從昆弟二人已侯孔鄉侯皇后父高武侯以三公封尙有因緣今無故欲復封商壞亂制度逆天人心非傅氏之福也臣聞師曰逆陽者厥極弱逆陰者厥極凶短折犯人者

有亂亡之禍患犯神者有疾天之禍故周公著戒曰惟王不知艱難唯耽樂是從時亦罔有克壽故衰世之君夭折早沒此皆犯陰之害也臣願以身命當國咎崇因持詔書案起傅太后大怒曰何有爲天子乃反爲一臣所顛制邪上遂下詔曰朕幼孤皇太后躬自養育免于襁褓教道以禮至于成人惠澤茂焉欲報之德昊天罔極前追號皇太后父爲崇祖侯惟念德報未殊朕甚愿焉侍中光祿大夫商皇太后父同產子小自保大恩義最親其封商爲汝昌侯爲崇祖侯後更號崇祖



侯為汝昌哀侯 鄭崇傳

封丞相

元朔中公孫宏代薛澤為丞相先是漢帝以列侯為丞相唯宏無爵土于是下詔曰朕嘉先聖之道開廣門路宣昭四方之士蓋古者任賢而序位量能以授官勞大者厥祿厚德盛者獲爵尊故武功以顯重而文德以行褒其以高成之平津鄉戶六百五十封丞相宏為平津侯其後以為故事至丞相封自宏始也 本傳

孝武元功宿將畧盡會上亦興文學進拔幽隱公孫宏

自海瀕而登宰相于是寵以列侯之爵自是之後宰相

畢侯矣 恩澤侯表

朱博為丞相封陽鄉侯食邑二千戶上書曰故事封丞

相不滿千戶而臣過制願還千戶 本傳

平當為御史大夫至丞相呂冬月賜爵關內侯 本傳漢儀注御

史大夫為丞相史春迺封李奇曰呂冬非封侯時

遣列侯就國

文帝二年十月詔曰朕聞古者諸侯建國千餘各守其地以時入貢民不勞苦上下驩忻靡有違德今列侯多



居長安邑遠吏卒給輸費苦而列侯亦無繇教訓其民  
令列侯之國為吏及詔所止者遣太子

本紀  
下同

三年十一月詔曰前日詔遣列侯之國辭未行丞相朕  
之所重其為朕率列侯之國遂免丞相勃遣就國景帝  
後二年十月省徹侯之國

晉灼曰文帝遣列  
侯之國今省之

繼絕

高帝五年下合曰楚地已定義帝亡後欲存恤楚眾以  
定其主齊王信習知楚風俗更立為楚王

本紀

孝文元年更封蕭延為鄼侯

功臣  
表

孝景二年封故相國蕭何孫係為列侯

本紀

中元元年封故御史大夫周苛周昌孫子為列侯

本紀

孝武元光三年封高祖功臣五人後為列侯

本紀

元狩三年封故相國蕭何曾孫慶為列侯

本紀

孝宣地節二年詔大司馬大將軍博陸侯功德茂盛朕  
甚喜之復其後世疇其爵邑世世毋有所與功如蕭相

國 本紀

地節四年封故鄼侯蕭何曾孫建世為侯

本紀

元康元年復高皇帝功臣絳侯周勃等百三十六人家



本紀

子孫令奉祭祀世世勿絕其母嗣者復其次  
功成子孫訖于孝武後元之年靡有子遺耗矣故孝宣  
皇帝愍而錄之乃開廟藏覽舊籍詔令有司求其子孫  
咸出庸保之中並受復除或加以金帛用章中興之德  
降及孝成復加卹問稍益哀微不絕如綫杜業納說曰  
內恕之君樂繼絕世隆名之主安立亡國迹漢功臣亦  
皆割符世爵受山河之誓存以著其號亡以顯其魂賞  
亦不細矣百餘年間而襲封者盡或絕失姓或乏無主  
朽骨孤于墓苗裔流于道生爲愍隸死爲轉屍以往况

今甚可悲傷聖朝憐憫詔求其後四方忻忻靡不歸心  
出入數年而不省察恐議者不思大義設言虛亡則厚  
德掩息遶東布章非所以視化勸後也三人爲衆雖難  
盡繼宜從尤功于是成帝復詔蕭何哀平之世增修曹

參周勃之屬得其宜矣

功臣表

元康四年賜故右扶風尹翁歸子黃金百斤以奉其祭  
祀又賜功臣適後黃金人二十斤

本紀

成帝元延元年封蕭相國後喜爲鄼侯

本紀

孝平元始二年封故大司馬博陸侯霍光從父昆弟會



孫陽宣平侯張敖元孫慶忌周勃元孫共

按本傳乃元孫之子恭

舞陽侯樊噲元孫之子章皆為列侯復爵賜故曲周侯

酈商等後元孫酈明友等百一十三人爵關內食邑各

有差

本紀

元始中太皇太后詔賜公孫宏後子孫之次當為後者爵關內侯召詣公車上名尚書朕親臨拜焉

### 王四夷君長

高帝五年詔曰故粵王亡諸世奉粵祀秦侵奪其地使其社稷不得血食諸侯伐秦亡諸身帥閩中兵以佐滅

秦項羽廢而勿立今以為閩粵王王閩中地勿使失職

本紀

十一年五月詔曰粵人之俗好相攻擊前時秦徙中縣之民南方三郡使與百粵雜處會天下誅秦南海尉它居南方長治之甚有文理中縣人以故不耗減粵人相攻擊之俗益止俱賴其力今立它為南粵王使陸賈即授璽綬它稽首稱臣

本紀

十二年詔曰南武侯賧亦粵之世也立以為南海王

本紀

孝惠三年舉高帝時粵功曰閩君搖功多其民便附迺



立搖為東海王都東甌世號曰東甌王

閩粵傳

武帝建元四年南粵王胡遣太子嬰齊入宿衛元鼎四

年上書請比內諸侯三歲一胡涂邊關于是天子許之

賜其丞相呂嘉銀印及中尉太傅印餘得自置

本紀

建元六年閩越王郢攻南越二人殺郢降天子曰郢等

首惡獨無諸孫繇君丑不與謀廼使郎中將立為粵繇

王奉閩粵祭祀

本傳

孝昭始元六年詔曰鉤町王毋披率其君長人民擊反

者斬首捕虜有功其立毋波為鉤町王

本紀

匈奴故印文曰匈奴單于璽

本傳王莽更曰新匈奴單于章

西南夷君長以百入

越本傳百數

獨夜郎潰受王印

本傳

傅介子斬樓蘭王馳傳詣闕廼立王弟尉屠耆為王更

名其國為鄯善為刻印章賜以宮女為夫人

西域傳

關都尉文忠攻罽賓殺殺其王立陰木赴為罽賓王

同上

西域凡國五十自譯長城長君監史大祿百長千長都

尉且渠當戶將相至侯王皆佩漢印綬凡三百七十六

人

本傳

侯降虜



昔書稱蠻夷帥服詩云徐方既來春秋列潞子之爵許其慕諸夏也漢興至于孝文時乃有弓高襄城之封雖自外來本功臣後故至孝景始欲侯降者丞相周亞夫守約而爭帝黜其議初開封賞之科云云功臣表下匈奴王徐盧等五人降漢師古曰功臣表云唯徐盧上欲侯之以勸後亞夫曰彼背其主降陛下陛下侯之即何以責人臣不守節者乎上曰丞相議不可用迺悉封徐盧等為列

侯周亞夫傳


封方士

欒大見武帝言黃金可成而河決可塞不死之藥可得仙人可致也上乃拜大為五利將軍詔曰以二千戶封居月餘得四印得天士將軍地士將軍大通將軍詔以二千戶封地士將軍大為樂通侯賜列侯甲第郊祀志

婦人爵邑

高帝封兄伯妻為陰安侯  
高后二年封蕭何夫人為鄼侯蕭何傳  
樊噲妻呂嬃為臨光侯

列侯太夫人夫人文紀七年如淳曰列侯之妻稱夫人列侯死子復為列侯乃稱太夫人子





不為列侯  
不得稱也

孝文十二年賜諸侯王女邑各二千戶 本紀

武帝尊王皇后母臧兒為平原君 外戚傳

王皇后前夫金氏女封修成君賜湯沐邑 同上

宣帝地節四年賜外祖母號為博平君以博平蠶吾兩

縣戶萬一千為湯沐邑 王夫人傳

金當上南大行為太夫人 文穎曰南當母名也上名狀于大行

王莽母賜號曰功顯君 王莽傳

平帝賜三妹謁臣號修義君哉皮為承禮君鬲子為尊

德君食邑各二千戶 衛姬傳按本紀云賜帝女弟四人號皆為君令傳云三姊與紀不同

當考

王莽白尊太后姊妹君俠為廣恩君君力為廣惠君君

弟為廣施君皆食湯沐邑 元后傳

封建雜錄

列侯所食縣曰國 百官表

高帝十二年詔列侯皆令自致吏得賦歛女子公主為

列侯食邑者佩之印賜大第室 本紀

列侯賜餐錢奉邑 呂后紀應劭云諸侯四時皆得賜餐錢



秦漢之制列侯封君食租衣稅率戶二百千戶之君則

二十萬朝覲聘享出其中貨殖傳

孝武元鼎五年九月列侯坐獻黃金酎祭宗廟不如法

奪爵者百六人紀漢儀注云諸侯歲以戶口酎黃金于高廟

孝宣地節四年襄陽侯聖坐酎金斤八兩少四兩免表

五鳳四年朝侯固城坐酎金少四兩免

楊邱侯坐出國界酎為司寇列侯坐罪奪爵者多矣略舉數條以為例

終陵侯華祿坐出界酎為司寇表

祚陽侯仁坐擅興繇賦削爵一級此類甚多皆不具載

孝景中二年合列侯初封及之國大鴻臚奏策列侯薨

大行奏諡誅策遣大中大夫弔祠視喪事因立嗣其薨

葬國得發民輓喪穿復土治墳亡過三百人畢事本紀

平當為御史大夫至丞相以冬月賜爵關內侯本傳李奇曰以

冬月非封侯時且賜爵關內侯也



西漢會要卷第三十五

宋 徐 天 麟 撰

職官五

加官

侍中左右曹諸吏敢騎中常侍皆加官所加或列侯將軍卿大夫將都尉尚書太醫大官令至郎中亡員多至數十人侍中中常侍得入禁中諸曹受尚書事諸吏得舉法散騎騎並乘輿車給事中常亦加官所加或大夫博士議郎掌顧問應對位次中常侍中黃門有給事黃



門位從將大夫皆秦制 百官表

西域都護加官 見上卷本條

爵

爵一級曰公士二上造三簪梟四不更五大夫六官大夫七公大夫八公乘九五大夫十左庶長十一右庶長十二左更十三中更十四右更十五少上造十六大上造十七駟車庶長十八大庶長十九關內侯二十徹侯皆秦制以賞功勞徹侯金印紫綬避武帝諱曰通侯或曰列侯改所食國令長名相又有家丞門大夫庶子 百官表

高帝五年詔曰軍吏卒會赦其七大夫以上 師古曰七大

也皆令食邑非七大夫已下皆復其身及戶勿事 本紀

又曰七大夫公乘呂上皆高爵也或人君上所尊禮異

曰秦民爵公大夫以上令丞與亢禮今吾于爵非輕也

且法以有功勞行田宅其令諸吏喜遇高爵稱吾意且

廉問有不如吾詔者以重論之

八年令爵非公乘以上毋得冠劉氏冠

孝惠即位爵五大夫以上有罪當盜械者皆頌繫上造



以上當刑及當為城且春者皆耐為鬼薪白粲並本紀

武帝時民多買復及五大夫千夫于是除五大夫千夫為吏食貨志

舊爵

上聞古爵呂氏春秋曰天子賞魏文侯以上聞晉約曰名通于天子也

樊噲自公大夫賜上聞爵

執帛鄭氏曰楚爵也張晏孤卿也

夏侯嬰賜爵七大夫賜爵五大夫賜爵執帛

曹參自五大夫封執帛號建成君

執圭如淳曰呂氏春秋得五員者位執圭古爵名也張晏曰侯伯執圭以侯位比之

夏侯嬰賜爵執帛賜爵執圭賜爵封

曹參封執帛遷為執圭建成侯

卿

樊噲賜爵五大夫賜爵卿

傅寬賜爵卿

封君賜重封

叔孫通號稷嗣君

婁敬號曰奉春君



侯公平國君

曹參自五大夫封執帛號建成君

樊噲賜爵封號賢成君破南陽賜重封

傅寬賜爵卿封號共德君

孔羈以帝師賜爵號襄成君

武功爵

武帝元朔六年詔曰日者大將軍巡朔方征匈奴斬首虜萬八千級諸禁錮及有過者咸蒙厚賞得免減罪今大將軍仍復克獲斬首虜萬九千級受爵賞而欲移賣

者無所流貶其議為今有司奏請置武功賞官以寵戰

士紀

武功爵

呂費曰茂陵中書有武功爵一級曰造士二級曰閑與衛三級曰良士四級曰元戎士五級曰

官省六級曰秉鐸七級曰千夫八級曰樂卿九級曰執戎十級曰政戾庶長十一級曰軍衛此武帝所制以寵軍也師古曰此下云級十七萬凡三十餘萬金今贊所引茂陵中書止于十一級則計數不足與本文乖矣或者茂陵書說之不盡也級十七萬凡直三十餘萬金諸買武功爵

官首者試補吏先除千夫如五大夫其有罪又減二等

爵得至樂卿以顯軍功軍功多用超等大者封侯卿大

夫小者郎

食貨志



賜爵

立漢社稷

高帝二年令民立漢社稷施恩德賜民爵本紀

即位

孝惠即位賜民爵一級中郎郎中滿六歲爵三級四  
歲二級外郎滿六歲二級中郎不滿一歲一級官官  
尚食比郎中太子御驂乘賜爵五大夫舍人五歲二  
級本紀

立皇太子

孝文元年建太子因賜天下民當為父後者爵一級本紀

王皇子

孝景三年皇子為王賜民爵一級本紀

皇太子冠

孝景後二年皇太子冠民為父後者爵一級本紀

改元

孝景中元年赦天下賜民爵一級本紀

後元年赦天下賜民爵一級中二千石諸侯相爵右



庶長 本紀

征伐

高帝五年詔曰軍吏卒會赦其亡罪而亡爵及不滿大夫者皆賜為大夫故大夫以上賜爵各一級其七大夫以上皆令食邑 本紀

力役

孝惠五年長安城成賜民爵戶一級 本紀

募民徙塞

晁錯言守邊備塞事曰募輸奴婢欲以拜爵者不足

廼募民之欲往者皆賜高爵復其郡縣之民得買其

爵以增至卿上從其言募民徙塞下 食貨志

郊祀

孝武元鼎四年行幸雍祠五畤賜民爵一級女子百

戶牛酒 本紀

祥瑞

孝宣本始元年鳳皇集膠東千乘賜吏二千石諸侯相下至中都官二吏六百石爵各有差自左吏至五大夫賜天下人爵一級孝者二級 本紀



帝加元服

孝昭元鳳四年帝加元服賜中二千石以下及天下

民爵 本紀

尊廟號

孝宣本始二年尊孝武廟為世宗廟巡狩所幸之郡

國皆立廟賜民爵一級 本紀

褒吏治

孝宣神爵四年潁川太守黃羈以治行賜爵及潁川

吏民有行義者爵人二級力田一級正婦順女帛 本紀

巡異

孝元永光二年詔陰陽不謂三光晡昧其大赦天下

賜民爵一級吏六百石以上爵五大夫勤事吏各三

級 本紀

匈奴朝

孝成河平四年匈奴來朝赦天下徒賜孝弟力田爵

二級 本紀

賜民爵 瓊曰民賜爵者罪得以減也

賜民爵戶一級 師古曰家長受也



賜天下民當爲父後者爵一級師古曰雖非已生死嫡但爲後者卽得賜爵

賜民長子爵一級元光元年

孝惠六年令民得賣爵本紀

孝文後六年夏旱令民得賣爵本紀

鬻爵

孝惠元年民有罪買爵三十級以免死罪應劭曰一級值錢二千凡

爲六萬見本紀

晁錯說上曰今募天下入粟縣官得以拜爵得以除罪入粟受爵至五大夫以上乃復一人耳于是文帝從錯

之言令民入粟邊六百石爵上造稍增至四千石爲五

大夫萬二千石爲大庶長各以多少級爲差食貨志

又言募民徙塞事募不足募輸奴婢欲以拜爵者上從

其言本傳

景帝上郡以西旱復修賣爵令而裁其賈以招民食貨志

武帝時兵革數動民多買復及五大夫千夫調發之士

益鮮於是除五大夫千大爲吏同上

孝成鴻嘉三年令民得買爵賈級千錢本紀

永始二年詔曰關東比歲不登吏民以義收食貧民入



穀物助縣官振贍者已賜直其百萬以上加賜爵右更  
欲為吏補三百石其吏也遷二等三十萬以上賜爵五  
大夫吏亦遷二等民補郎 本紀

西漢會要卷第三十六

宋 徐 天 麟 撰

職官六

特進

王譚位特進領城門兵

外戚傳按漢雜事諸侯功德優盛朝廷所敬異者賜位特進位

莽三公上秋

王商位特進領城門兵置募府得舉吏如將軍

傅喜位特進奉朝請

薛宣加寵特進位次師安昌侯給事中視尚書事



張禹以列侯朝朔望位特進見禮如丞相置從事吏五人並本傳

領尚書事

霍光霍山以大將軍領尚書事

張安世以車騎將軍領尚書事父以衛將軍領尚書事

師丹以左將軍領尚書事

王鳳大司馬領尚書事

鄭寬中以光祿大夫領尚書事張仙批傳

孔光光祿勳領尚書事

張禹光祿大夫領尚書事

霍山奉車都尉領尚書事並本傳

周堪光祿大夫領尚書事劉向傳

車騎將軍王音內領尚書外典邱馬母將隆傳


史高以外屬為大司馬車騎將軍領尚書事康衡傳

平尚書事

于定國光祿大夫平尚書事

張敬中大夫平尚書事並本傳

領他官





桑宏丰為治粟都尉領大農 食貨志

東邪咸陽孔僅為大農丞領鹽鐵事 食貨志

霍山奉車騎都尉侍中領三輔胡越騎 本傳

孔光為帝太傅領宿衛 本傳

王譚王商位特進領城門兵 元后傳

金涉為侍中騎都尉領三輔胡越騎 本傳

鍾元為尚書令領廷尉 何並傳

劉向以故九卿召拜為郎中領護三輔都水 本傳

息夫躬以左曹光祿大夫使持節領護三輔都水 本傳

馮參為諫議大夫領護左馮翊都水 本傳

劉向為光祿大夫領校中五經秘書

劉歆河平中受詔與父向領校秘書 本傳

兼官

張安世車騎將軍光祿勳又遷右將軍光祿勳宣帝徙

度遼將軍未央衛尉范明友為光祿勳宣帝拜蕭望之

為前將軍光祿勳

趙充國擢為後將軍兼水衛都尉征匈奴還為後將軍

少府



王莽為右將軍衛尉

右將軍典屬國常惠馮奉世

王尊轉守槐里兼行羨陽令事並本傳

行官闕則卑者攝為之日行

張湯韓安國並以御史大夫行丞相事

平陽侯曹窋行御史大夫事呂后本紀八年劉放刊誤曰校表及張蒼傳高后四

年窋為御史大夫誅諸呂後免則非行也疑此紀誤

太僕臣賀行御史大夫事三王世家

行太常事大中大夫劉歆孝平王后傳

汾陽侯靳石為太常行太僕事

韓延年為太常行大行令事功臣表

行大鴻臚事少府樂成

太子少傅臣安行宗正事

少府忠行廷尉事

王溫舒為右輔行中尉

留侯張良行太子少傅事

黃羈廷尉監行丞相長史事

蓋寬饒遷諫大夫行郎中戶將事



王尊守京輔都尉行京兆尹事

劉德宗正行京兆尹事

翟義南陽都尉行太守事

王尊輔守槐里兼行羨陽令事 本傳

守 如淳曰諸官初加皆試守一歲延為

朱雲以六百戶石秩守御史大夫

光祿大夫劉辟彊守長樂衛尉

守少府蕭望之

蕭育泰山太守入守大鴻臚

執金吾任宏守大鴻臚 紀 哀

御史臣光守尚書令 三王 世家

趙廣漢京輔都尉守京兆尹

龔勝光祿大夫守右扶風

王訢為右輔都守右扶風武帝出駐車拜訢為真

薛宣入守左馮翊滿歲稱朕為真

朱博以高第入守左馮翊滿歲為真 並本傳

守丞相長史邊通 張湯傳

守廷史路溫舒



張敞守太原太守

王尊守京輔都尉 並本傳

茂陵守令尹公 原涉傳

守廷史路溫舒

華陰守丞嘉 朱雲傳

假 假揖也

漢二年拜曹參為假右丞相入屯兵關中 本傳

假稻田使者燕倉

趙充國以假司馬從貳師將軍 本傳

軍侯假丞相杜勳 陳湯傳

宿衛

漢二年六月漢王還櫟陽令諸侯子在關中者皆集櫟

陽為衛 高紀

高帝崩陳平畏讒固請之得宿衛中 陳平傳

高后二年齊哀王遣弟章入宿衛於漢封朱虛侯四年

封章弟興居為東牟侯皆宿衛長安

文帝入未央宮有謁者十人持戟衛端門 周勃傳

武帝時董仲舒對策曰使諸列侯郡守二千石各擇其





吏民之賢者歲貢各二人以給宿衛

本傳

終軍曰得列宿衛食祿五年

本傳

王臧上言宿衛累遷一歲至郎中令

本傳

張安世輔政宿衛十有三年封為富平侯

本傳

昭帝時燕王旦上書願歸符璽入宿衛

宣帝地節二年詔曰博陸侯宿衛武帝三十餘年

陽城侯劉德親親行謹厚以德得官宿衛者二十餘年

魏相奏張安世子延壽重厚可以為光祿勳領宿衛臣

楊惲與孫會宗書曰幸賴先人餘業得備宿衛

馮參為黃門即給事中宿衛十餘年

孔光為帝太傅位四輔給事中領宿衛

武帝詔曰車騎將軍王音宿衛忠正勤勞王家

元后益封孔光詔曰博陸侯光宿衛四世世為傳相光

祿勳豐宿衛三世奉車都尉甄邯宿衛勤勞建議定策

待詔

尙方待詔

郊祀志

待詔金馬門

公孫宏劉向馮商張子喬華龍柳宮

待詔公車

東方朔朱買臣谷永



待詔承明之庭 楊雄

待詔殿中 韓生以易召  
待詔殿中

待詔五作宮 執金吾  
廣意

待詔丞相府 劉德

待詔官者廬 東方朔蘇武  
劉向翼奉

待詔黃門 李尋梁  
邛賀

武帝詔求能為韓詩者召蔡義待詔

伍宏以醫待詔

吾邱壽王以善格五待詔

宣帝詔見王褒以為待詔 何武  
傳

魏相奏言知音善鼓雅琴者趙定龔德皆召見待詔

本草待詔 郊祀  
志

成帝時言祭祀方術者皆得待詔 郊祀  
志

上計

孝武元封五年三月至泰山增封因朝諸侯王列侯受

郡國計 本紀師古曰若今  
之諸州計帳也

大初元年春受計于甘泉 紀下  
同

大漢三年三月行幸泰山修封祀明堂因受計



大始四年三月行幸泰山因受計

孝宣黃龍元年詔曰上計簿具文而已務為欺謾以避

其課御史察計簿非實者按之使真偽毋相亂

本紀臣天麟謹

按通典云漢制郡守歲盡遣上計掾史各一人條上郡內眾事謂之計簿

嚴躬願奉三年計最

本傳如淳曰舅法當使丞奉計今躬自願入奉也

京房為魏郡太守自請歲竟乘傳奏事天子許焉

本傳

張蒼為計相一月更以列侯為主計四歲蕭何為相國

合蒼以列侯居相府領郡國上計者

本傳

司隸校尉奏丞相衡位三公領計簿而顓地盜土

本傳

郝賢坐為上谷太守入戈卒財物計謾免

表



西漢會要卷第三十七

宋 徐 天 麟 撰

職官七

秩祿

萬石 穀月三百五十斛

太師 太傅 太保

丞相 太尉 御史大夫

前後左右將軍 並表下同

中二千石 師古日中二千石實得二千石也中之言滿也月得百八十斛是為一歲凡得二千一百



六十石言二十石者舉成數耳

太常

光祿勳

衛尉

太僕

廷尉

大鴻臚

宗正

大司農

少府

執金吾

真二千石

臣天麟謹按外戚傳俗華秩視真二千石在中二千石之下二千石之上師古曰真二千石月得百五十斛一歲凡得千八百石又按如淳注汲黯傳亦云諸侯相秩真二千石月得百五十斛臣瓚注詹事引茂陵書秩真二千石而百官表迺亡此秩欠考東京則有此秩矣

二千石

師古曰穀月百二十斛一歲凡得一千四百四十石

太子太傅

荀悅漢紀自太子太傅至扶風比二千石

太子少傅

詹事

茂陵中書秩真二千石

將作少府

大長秋

長樂少府

建平四年四月太后各置少府皆中二千石

長信少府

典屬國

水衡都尉

京兆尹

左馮翊

右扶風

以上並表後漢志云三輔皆秩中二千石

京輔都尉

左輔都尉

右輔都尉

以上

元帝增秩

司隸校尉

荀悅紀校尉並比二千石

城門校尉

中壘校尉

屯騎校尉

步兵校尉



越騎校尉

長水校尉

胡騎校尉

後改銀印初直二千石在郡守上

虎賁校尉

諸侯相 初金印吳

楚反即太守秩

郡太守 增秩者為中二千石元帝建昭二年益三河大

諸侯御史大夫

後漢志漢初傳相御史大夫及諸卿皆秩二千石

諸侯中尉

哀帝曰傳相中尉皆各二千石

中少府

師丹傳

左曹

右曹

大郡都尉

元帝紀

射聲校尉

長信中太僕

以上並表 諸侯太傅

州牧

朱博傳秩真二千石

長陵令

呂后六年秩長陵令二千石

大內

史紀孝景本紀

比二千石

穀月百斛

丞相司直

護軍都尉

光祿大夫

印七

綬增秩者為中二千石

五官中郎將

左中郎將

右中郎將

虎賁中郎將

監御林中郎

將

西域都護

奉車都尉

駙馬都尉

騎都尉

郡都尉 以上並表

千石

穀月九十斛

丞相長史

大司馬長史

御史中丞

將軍長史

太常丞

光祿丞



衛尉丞 六典注 比千石

太僕丞

大鴻臚丞

宗正丞

大司農丞

少府丞

執金吾丞

廷尉正

廷尉左監

廷尉右監

荀悅漢紀正 監秩比千石

諸侯郎中令

諸侯僕

武帝損郎中令秩千石僕秩亦千石後漢志僕比二千石

萬戶縣令 侯國

相以上表

比千石 比千石

大中大夫

郎中車將

郎中戶將

郎中騎將

謁者僕射

期門僕射

八百石

成帝陽朔二年除吏八百石秩李奇曰除八百就六百

比八百石

諫大夫 表

六百石

將作少府丞

詹事丞

水衡都尉丞

廷尉左平

廷尉右平

京兆丞

左馮翊丞

右扶風丞

京輔都尉丞

右輔都尉丞

左輔都尉丞

郡長丞

州刺史

郡太守丞

郡都尉丞



萬戶縣令 侯國相 以上表

朔方刺史

太子門大夫

太子庶子 以上表注

太常掌故 晁錯傳

武騎常侍

相如 傳

公車司馬令 漢官儀

太廐令 後漢志本

注曰有六廐 皆六百石令

未央令

家馬令

車府令

路輪令

騎馬令

式道左侯 後漢志 本志

式道右侯

式道中侯

廩犧令 漢曰儀秩 六百石

外史

閭師 以上孝 平紀

比六百石

博士

議郎

五官郎中

左中郎

右中郎

謁者

戊巳校尉

太子洗馬

五百石 成帝陽朔二年除吏五石 秩李奇曰除五百就四百

縣長 侯國相

四百石 穀月五十斛

縣丞

縣尉

比四百石 穀月四十五斛

五官侍郎

左侍郎

右侍郎

三百石 穀月四十斛



次縣長 侯國相

比三百石

五官郎

左郎中

右郎中

二百石 穀月三十斛

左馮翊卒史 黃霸傳 縣丞

縣尉

比二百石 穀月二十七斛

百石 穀月十六斛又律百石奉月六百

御史屬 康衡傳

左右內史卒史

郡國五經卒

史

大行卒史 以上儒林傳

長安獄史 以上

趙廣漢傳

比百石

斗食 師古曰斗食者言一歲不滿百石日食一斗二升

大司農屬

佐史 漢官名秩簿云穀月八斛

增秩

汲黯以諸侯相秩居淮陽

詔增符璽郎秩二等 霍光傳

宣帝時二千石有治理効轍以璽書勉厲增秩賜金

循吏



傳如淳曰太守雖號二千石有千石  
八百石居者功德茂異乃得滿秩

王成爲膠東相治甚有聲宣帝最先褒之下詔曰膠東  
相成治有異等其秩成中二千石賜爵關內侯

穎川太守黃霸秩以八百石居以治行褒賜秩中二千  
石

召信臣爲南陽太守爲百姓興利又爲河南太守治行  
第一數增秩賜金

周堪召拜光祿大夫秩中二千石 此類甚多  
舉一爲例

小黃令焦延壽舉最當遷三老官屬上書借留有詔許

增秩畱 京房傳

馮野王爲大鴻臚王舅不宜備九卿以秩爲上郡太守

班伯遷水衡都尉秩中二千石

蕭咸爲宏農河東太守所居有迹數增秩賜金


蕭由遷江夏太守平江賊成重等有功增秩

陳立爲已郡太守秩中二千石居 西南夷表

平帝元始元年賜吏在位二百石以上壹功滿秩如有

益吏祿

孝惠卽位詔曰吏所以治民也能盡其治則民賴之故





重其祿所以爲民也紀下同

孝宣神爵三年詔曰吏不廉平則治道衰今小吏皆勤

事而奉祿薄欲其毋侵漁百姓難矣其益吏百石以下

奉十五韋昭曰若食一斛則益五斗

孝成綏和元年益大司馬大司空奉如丞相

班序

太師位在太傅上太保次太傅太傅位在三公上

武帝以衛青爲大將軍位在諸公上

漢興置大將軍驃騎將軍位次丞相

舊列侯奉朝請者位次三公

元壽二年賜大司馬位在司徒上

御史大夫位上卿

前後左右將軍位上卿

詹事位在長秋上

中太僕位在正卿大僕上

給事中位次侍中中常侍並表

故事司隸校尉位在司直下其有所會居二千石前翟方

追傳



諸侯羣以朝十月儀先平明謁者治禮引以次入殿門  
傳曰趨殿下郎中俠陛陸數百人功臣列侯諸將軍軍  
吏以次陳西方東鄉文官丞相以下陳東方西鄉大行  
設九賓臚句傳于是皇帝輦出房引諸侯王以下至吏  
六百石以次奉賀叔孫通傳

諸侯王 相國 一太師

太傅 太保 相丞

大司馬 御史大夫 大將軍

列將軍兼官 特進 列將軍

列侯奉朝請 太常 光祿勳

衛尉 太僕 廷尉

宗正 大司農 大鴻臚

少府 長信少府 中少府

執金吾 太子太傅 水衡都尉

京兆尹 左馮翊 右扶風

典屬國 將作少府 就國侯

潁川三河太守 齊楚等相 東海等太守

高密等侯 太子少府 太子詹事



關內侯

丞相司直

與州郡叙則居  
刺史守相上

司隸校尉

與州郡叙則居  
刺史守相上

城門校尉

八校尉

驥粟都尉

光祿大夫

非中  
二千

石者叙在三  
輔都尉下

御史中丞

與刺史守相  
叙則居其上

丞相長史

三輔都尉

五官左右中郎

將

羽林中郎將

護軍都尉

奉車都尉

秩光祿大夫位  
在關內侯下

駙馬都尉

騎都尉

尚書令

西域都護

大中大夫

尚書僕射

尚書

諸侯太傅

十三州刺史

與守相叙  
則居其上

朔方刺史

郡都尉

關都尉

農都尉

屬國都尉

西域副都尉

郎中車將

郎中戶騎二將

諸侯中尉

諸侯內史

諫大夫

太子家令

博士

九卿列卿丞

謁者僕射

公車司馬令

將軍長史

延尉正監

長安令

千石令

黃門侍郎

尚書丞郎

議郎

五官左右中郎



從事中郎

太史令

廷尉平

三輔丞

六百石令

五百石長

郡司馬長史

五官左右侍郎

太守丞

都尉丞

三百石長

侍御史

太子門大夫

五官左右郎中

太子庶子

中庶子

太子舍人

太子洗馬

縣丞尉

羽林郎

蠻夷叙位



孝宣甘露三年匈奴呼韓邪單于款五原塞願奉國珍

朝三年正月詔公卿議其儀丞相霸御史大夫定國議曰聖王之制施德行禮先京師而後諸夏先諸夏而後夷狄諸云率禮不越遂視既發相土烈烈海外有截陛下聖德充塞天地光被匈奴四表匈奴單于鄉風慕義舉國同心奉珍朝賀自古未之有也單于非正朔所加王者所客也禮儀宜如諸侯王稱臣昧死再拜位次諸侯王下太子太傅蕭望之以為單于非正朔所加故稱敵國宜待以不臣之禮位在諸侯王上外夷稽首稱臣藩中國遜而不臣此則羈縻之說謙亨之福也書曰戎狄荒



服言其來服荒忽亡常如使匈奴後嗣卒有烏窳鼠伏  
闕于朝享不為畔臣信義行乎蠻貉福祚流于亡窮萬  
世之長策也天子采之下詔曰蓋曰聞五帝三王教化  
所不施不及以政今匈奴單于稱北蕃朝正朔朕之不  
逮德不能宏覆其以客禮待之令單于位在諸侯王上  
贊謁稱臣而不名

宣紀及蕭  
望之傳



天祿中



